

八集第一種

周易二閤記

序

邑先正茹三樵先生名敦和字遜來乾隆十九年進士出宰直隸之南樂大名內遷大理寺左評事三年又出爲湖北德安府同知以事被吏議遂告歸平生邃於經學尤善易所著易學凡十一種曰周易證籤曰周易二閭記曰卦變考曰易講會籤曰兩孚益記曰八卦方位守傳曰大衍守傳曰大衍一說曰周易象考曰周易小義惟卦變考未見餘已刊行皆原本古易多抒心得而以二閭記爲最精其書爲二人問答相反復之辭體例蓋本之毛西河氏之白鷺洲主客說詩曰二閭者先生自序謂一曰茶閭居越城外三十里之紫洪山六曰薑閭居城外十二里之栖鳧山嘗以易義質之而記其語蓋近於寓言而周易小

義自序曰有二老儒爲東西閭師敦和從之受易辭則又似實
有其人蓋乾隆以前吾越多隱君子二人者或逖迹山林而亦
爲塾師以自晦不欲人傳其姓名先生故取古者鄉有父師少
師曰坐閭左閭右之義而名爲二閭歟然曰茶曰薑以之說經
則非體也其記多主卦變卦象博引故訓貫穿諸經瀾翻不窮
亦間有傷於支離曼衍者慈銘竊不自揆爲更之曰左閭右閭
而略芟其蕪辭賸語其有涉訓詁者則一字不敢易焉至其言
易以取坎填離爲要悖則近於參同契鑪火之說其說游魂爲
變旁及佛氏地獄之不足信尤傷於曼衍其解說文之鼎從馬
二其足謂馬之眠而將起者解中孚之孚爲鳥之孚卵而引及
爾雅之澤虞鷺亦頗入於穿鑿此等皆過而存之以不失其真

其餘縱橫絕出推闡名通有益於學者不淺分別觀之可也先生爲先曾大父孝廉君受業師令嗣卽古香尙書乾隆甲辰進士第一人先曾大父丁酉同年友也先生初以李姓寄籍舉廣東鄉試及成進士改歸原籍而姓未改入官後始復姓增著於此云光緒強梧大淵獻之歲陽月邑後學李慈銘謹序

周易二閭記卷上

會稽茹敦和遜來著

何以謂之易也左閭曰傳曰生生之謂易聖人于蓍言生蓍于卦言生卦蓍卦之生皆其不窮于生者故謂之生生右閭曰四營而成易十有八變而成卦謂之四營而成變可謂之十有八易而成卦可易者變爾變也者蓍與卦之所以生生者也

何以謂之三易也左閭曰此在周禮有之太卜掌三易之法一曰連山二曰歸藏三曰周易又簪人掌三易以辨九簪之名一曰連山二曰歸藏三曰周易連山歸藏吾不知其所言何等也唯周禮又言之其經卦皆八其別皆六十四然後知其卦也且有經有別也曰洪範曰擇建立卜筮人三人占則從二人之言

故金滕卜三龜而士喪禮筮宅則東面旅占旅占蓋亦用三易也

乾初曰潛龍何以不言其在也左閭曰爾雅潛深也又曰潛深測也以其不測故謂之測也我知其潛而已矣不知其在也四則曰或躍在淵何也左閭曰兩其龍彼潛而此躍則或之一其龍昔潛而今躍則又或之或者或其躍也雖然此躍焉者適從何來或者其在淵乎或者又所以或淵也右閭曰昔不知其在淵今知其在淵也或躍而仍在于淵或之以益明其在也躍新而淵故躍異而淵同也易之言淵者二乾四曰在淵訟之象傳曰入於淵

大人何也左閭曰經之言大人者多矣如土相見禮禮運論語

前儒望文而爲義無定說乾之大人則向秀曰聖人在位謂之大人

利見何也左閭曰此見禮也士相見於五禮屬賓禮等而上之
春朝夏宗秋覲冬遇時會殷同此六者是五等諸侯見天子之
禮蓋自五玉三帛下至用羔用豚用麋用雁用鴈雉用鷩用雞
用束脩凡有贄者皆見禮
統天何也左閭曰公羊大一統何休注統始也三正謂之三統
矣孟子創業垂統亦此義說文以統爲紀以紀爲絲別
鬼神何也左閭曰據周禮在天曰神在地曰示在人曰鬼簡言
之則示亦爲神故曰鬼神又簡之則鬼亦爲神故知神之所爲
可與祐神皆直曰神也惟康成以爲木火之神生物金水之鬼

終物中庸疏遂有所謂陰陽鬼神人之鬼神者右閭曰氣也者神之盛也魄也者鬼之盛也合鬼與神教之至也此其說從來遠矣又爾雅鬼之爲言歸也

坤三訟三曰或從王事何也左閭曰四牡天子之使臣也其詩曰豈不懷歸王事靡盬北門者外臣也其詩曰王事適我政事一埤益我先言王事後言政事尊之也蓋五爲天子之位三爲外臣焉不則天子之臣行役而在外者焉其於事也得不得謂之王事與記以大饗爲王事則王者之事異於諸侯之事別有義與此不同

囊何也左閭曰說文囊橐也橐囊也而詩傳迺曰小曰橐大曰囊陸德明音義以爲有底曰橐無底曰囊師古漢書注又以爲

無底曰橐有底曰囊小義爾乃紛紛如此不能決也右閭曰於易有囊無橐盜先言囊矣囊之爲言襄也襄者包也書曰懷山襄陵是也故古囊無底前書絲綈方底後書封以方底注皆以爲方底囊晉書載記遂曰扣囊底餘智則今囊乃有底

左閭曰其爲大小也若何右閭曰囊則囊爾何大小之有詩疏據公羊公子陽生事則囊大矣男鞶革女鞶絲鞶囊佩也則囊小矣左閭曰請終言橐矣右閭曰今之橐乃從木則柝也柝者木而虛其中晝以之爲簞夜以之爲枕因而鳴之以爲聲焉左氏傳如甯氏之橐飴趙盾之橐肉皆是物也不然以飴之糜也肉之漬也而納之於布非其用矣古囊橐字皆從束故詩之餼糧也裹之裹之必束之所以爲囊橐也說文以橐爲囊以裹爲

橐者是也底則不可以裹也于橐又于囊者言裹之非一也非以爲大小也

然則何以爲括囊也右閭曰括亦束也詩德音來括薛漢章句曰括約束也約束亦謂之要束束其首尾又束之于要所以爲固也束之於要而一囊得兩囊焉是重坤之所爲象也

上之龍戰矣說文曰戰妊也戰則何以妊也左閭曰戰以爲妊故說卦曰戰乎乾毒以爲育故師之傳曰以此毒天下戰而不妊春秋之義戰也毒而不育民之貪亂當爲荼毒也

龍戰而于野何也左閭曰易于乾言龍坤之龍亦乾爾同人於宗吝而於野亨五言大師相遇矣同人之同同於師猶坤之戰戰於乾故凡言野者卦之外也且古者兵不殘國其戰必於野

書序言啟戰於甘之野湯戰鳴條之野武王之戰于牧野
屯之彖傳曰天造草昧何以爲草昧也左閭曰爾雅茅明也舍
人曰茅昧之明也茅猶草矣昧之明者自昧而之明猶書言昧
爽詩言昧旦矣

雲雷屯而曰君子以經綸若是其不相屬也左閭曰中庸經綸
天下之大經屬之以肫肫其仁康成曰肫肫讀惇惇又曰肫肫
或爲純純曰肫曰惇曰地其文皆從屯則安得不相屬也且純
純絲也

盤桓何也左閭曰盤桓進之難也爾雅鉤盤孫炎曰水曲如鉤
流盤桓不直前也禹貢西傾因桓是來酈道元曰桓是隴阪名
其道盤桓旋曲而上故名曰桓後書張楷傳則曰前此徵命盤

桓未至种岱傳則曰若不盤桓難進等輩皆已公卿右閭曰水經注之說康成說也雖然今之說則以爲夷猶自得之意焉泉明曰撫孤松而盤桓朱子亦以考槃之盤爲槃桓曰水曲貌也屯如遯如何也左閭曰遯迴也離騷曰遯吾道夫崑崙兮又曰遯吾道兮洞庭曰遯其文皆與屯同安得不遯乎且餘乘馬班如何也左閭曰班布也有行列也晉公子筮得貞屯悔豫司空季子以爲車班內外是也右閭曰吾以象決之則班別也左氏傳曰有班馬之聲

馬融曰重昏曰媾而詩傳則曰媾厚也箋則曰媾會也宜何從左閭曰說文葍交積材也象對交之形媾亦葍也則重昏勝矣右閭曰媾不與婚同文則媾亦婚也曹風之不遂其媾是也媾

與婚同文則媾重婚也左氏傳之如舊昏媾是也杜說也

屯其膏何也左閭曰詩芃芃黍苗陰雨膏之箋曰喻天下之民如黍苗然宣王能以恩澤育養之然序則曰黍苗刺幽王也不能膏潤天下卿士不能行召伯之政焉由箋之說則膏也由序之說則膏之屯也

小貞大貞何也左閭曰周禮小宗伯若國大貞太卜凡國大貞貞者正也以正卜也詩曰維龜正之而天府亦云季冬陳王以貞來歲之美惡大貞者以大事卜也小貞者下經凡小事是也右閭曰或且以下經之貞龜爲小貞也亦其言貞而不言大也左閭曰否卜立君卜大封非常也曰大貞大遷大師亦非常也承大貞以盡其類爾大祭祀亦大貞也祭祀大矣謂之小貞不

屬也皆凡之所舉爾右閭曰是皆然矣易者筮之事而言卜何也左閭曰古者筮龜並用然必先筮而後龜小貞之吉也筮從也大貞之凶也筮不從也偶舉之示其例也言貞而不言大也泣血何以漣如也右閭曰詩河水清且漣漪爾雅作清且瀾漪郭璞曰謂渙瀾渙瀾汎瀾也右閭曰不見復闕泣涕漣漣將爲瀾瀾乎說文又作漣國策管燕連然流涕直作連小凡圖大貴蒙二曰納婦吉何以謂之納也左閭曰婚有六禮而三言納公羊曰納者入辭也曰采曰徵曰吉皆以求婦之禮曰納婦焉克者堪爾克家者右閭曰爾雅牖戶之間謂之扃其內謂之家孟子女子生而願爲之有家擊蒙何也左閭曰擊者打也考工記有句兵有刺兵有戢兵注

曰爰也疏曰爰長丈二而無刃可以擊打入故曰輟兵書言扑作教刑又言撻以記之皆打也右閭曰史記記兵事多言擊漢高紀願從諸侯王擊楚之殺義帝者擊者伐也擊蒙所以伐蒙也又鍾曰擊鍾鼓曰擊鼓缶曰擊缶磬曰擊磬夔曰子擊石拊石宋儒言重曰擊輕曰拊矣擊者叩之以發其聲也大叩而大鳴小叩而小鳴弟子之於師當叩而發之師之於弟子亦當叩而發之論語不憤不啟不悱不發是也

需二象傳曰衍在中何也左閭曰衍者演也周語曰水土演而民用矣又楊氏慎曰衍者寬平之地左氏傳有昌衍前書有廊衍